



Universitätsbibliothek Paderborn

**Panegyricvs, Die Natali Academiæ Theodorianæ
Paderbornensis, Reuerendissimo, atq[ue] Illustrissimo
Principi, ac Domino, Theodoro, Episcopo Ecclesiæ
Paderbornensis, S. R. I. Principi, Fvndatori Eivs ...**

Horrion, Johann

Paderbornæ, 1616

Capvt I. Prooemium.

urn:nbn:de:hbz:466:1-14243

P A N E G Y R I C I , D I E N A -
T A L I A C A D E M I Æ T H E O D O R I A N Æ
P A D E R B O R N E N S I S , E I V S I L L U S T R I S S I
m o Principi Fundatori oblati.

L I B E R III.

D e Illustrissimi Principis in fundan-
da Academia consilio.

C A P V T P R I M V.

Proœmium.



VOD, Princeps Illustrissime, honesti liberi
suæ aduersum Parentes, & suæ stirpis au-
ctores pietatis esse putant, vt cùm eos o-
mni officio colant, tum eorum præclarè
factis cognoscendis, atq; commemorandis
plurimum delectenrur: codem videmur
nos, qui que vñquam in hac Academia, bonis litteris inser-
uient, erga te optimum, ac præstantissimum eius paren-
tem animo esse debere. Est igitur profecto nostrarum
partium, posteaquam de VVestphalia, atque Paderborna,
quæ est Academiæ quasi patria, nonnulla dicta sunt, vt de
tuis quoque, Princeps Illustrissime, laudibus differamus.
Atenim video iam illam tuam omnium dictorum facto-
rumque moderatricem, ac magistram Modestiam, ad hanc
solam mentionem laudis contraxisse frontem, & tristiore,

O 2

quàm

quam adhuc, vultu accipere orationem meam? Sic enim illa te iam inde à prima infantia finxit, atque formauit, ut cum omnia viuis Dei causa facias, à quo omnia sunt profecta, D E V M ipsum sat magnum tuarum virtutum pretium putas: vt proinde anxiè semper verenti, ne vel aliud ac D E V M spectasse, vel aliquid eius munerum ascripsisse tibi videare, molestiæ sit atque fastidio omnis tuarum rerum commemoratio. Atque hanc equidem tuam, Princeps Optime, submissionem animi, semper, fateor, pro eo ac debui, tanquam coelestem in hoc dignitatis fastigio virtutem, sum veneratus: tamen hodiernus dies nonnullam mihi dubitationem attulit, esetne tali tempore illi de iure suo cedendum, atque paullisper, publici commodi caussa, ab illa consuetudine deflectendum. Sic enim cogitabam: si id vereatur tua Modestia, ne tua laus quicquam de D E I gloria decerpatur, nunc profecto illud esse cum de tua laude silere sit nefas, quoniam, nisi te publicè laudato, D E I gloriam obscurari necesse est. Non enim D E V S, cùm hanc tibi Academiæ fundandæ cogitationem obiecit, paucis mortalibus consulebat, sed compluribus latè terris, atque populis: non ad fructum exigui temporis, sed ad perpetuitatem consequentium sæculorum: non viles, atque incertas utilitates, sed sapientiæ lucem, solidæ gloriæ segetem, adiumenta sempiternæ salutis, felicitatis præsidia comparabat. His talibus tantisque muneribus ut gratiæ, quas Deo certè debemus, aliqua ex parte respondeant, par est eas non in arcana tantum, ac tacita cogitatione, sed publicis, illustribusque mandatas monumentis, in media hominum luce versari. Quod si ita est quâ fieri potest, vt, cùm beneficia quæ D E V S Opt. Max. Te Princeps Illustrissime administristro, nobis præsttit, palam celebrentur, de eo, quod abs te præclarè gestum est, sileatur? Verebar deinde judicia poster-

sterorum. Quid enim existimas illos esse dicturos, si tuum, tanti beneficij auctoris nomen ad eos absque villa transmisserimus, vel tuorum commemoratione meritorum, vel nostra testificatione pietatis? Num caussam dicere licebit, quin nos omnium mortalium inuenustissimos, atq; ingratissimos fuisse iudicent? Tametsi enim nihil est tibi glorijs, quam, cum tanta perfeceris, nihil gloria amore fecisse, tamē, posteaquam, pro rerum gestarum claritudine, gloria te sequitur vel inuitum, nostra certè caussa tibi lētandum est, cum his operibus tuis magnificis, atque præclaris gloriam tribuimus, quæ nisi in laude poneremus, nunquā induceremus animum, vt, quod vnum optas, his abs te nobis paratis commodis uteremur. Qui enim illum merita laude priuat, cuius beneficium habet, is profecto satis ostendit eius se beneficij fructu non moueri. Atque hæc quidem succurrebant reputanti, quid nostram in te pietatem deceat, & quid virtutibus tuis debeat. Sed quoniam attendendum quoq; fuit quid modestia tua, quid aures ferre possent, faciendum mihi visum est, vt, tua, Princeps Illusterrime, caussa, laudatione quidem abstinerem, ne tamen suum Fundatorem, ac Parentem Academia quondam ignoraret, breuiter, quid in ea instituenda consilij sis secutus exponerem. Ita enim fore confidebam, vt neque posteros quicquam eorum fugeret, quæ scire interesset, neque tuæ modestiæ negotium facerem. Tametsi enim nihil horum absque tua laude dici potest, ita tamen dicentur, vt non in ijs laus tua, sed eorum utilitas quæsita videatur, in quorum commoda tantum curarum, opumque contulisti.